

A O se Saunoaga Faamavae (Iosua 22:1-8)

- ❖ Talu ai ona o Ioritana lea na amata ai le tuueseeseina o ituaiga, na tuuina atu ai e Iosua se fautuaga poto i ituaiga e lua ma le afa ina ia mafai ona latou tutumau ma savavali ma le faamaoni i le Atua i Ona ala uma (Iosua 22:5):
 - **la alofa atu ia leova lou Atua:** O le alofa o le mataupu faavae lea e tatau ona taitaiina atu ai i tatou i le Atua. Tatou te alolofa atu ia te la aua na la mua'i alofa mai i a'i tatou (1 Ioane 4:19)
 - **la savavali ma le usiusitai ia te la:** O le auala leni ua faailoa mai e Iosua, o le amio e manaomia e i latou o e filifili e savavali faatasi ma le Atua
 - **la ana'ana e fai Ana poloa'iga:** O le usiusitai o se taunuuga masani lea o se loto faafetai e malamalama lelei i mea na faia e le Atua.
 - **la pipii mau ia te la:** E tatau ona tatou pipii-mau i le Atua e aunoa ma le faatagaina o se mea e ono aveesea ma motusia ai lea sootaga
 - **la auauna atu ia te la ma lou loto atoa ma lou agaga atoa:** E maua lo tatou faamoemoega moni, o le moni ona faamalieleina, ma le ola manuia pe a tatou auauna atu i le lotomalie ma le alofa i lo tatou Foafoa; o Le na faia i tatou

B O le mafuaaga o faafitauli (Iosua 22:10-12)

- ❖ E lata ane i le nofoaga na faatuina ai e Iosua se maa faamanatu o vavega ina ua sopoia atu le Ioritana, sa fausia ai foi e ituaiga e lua ma le afa o se fatafaitaulaga o se faatusa o le fatafaitaulaga o le Falefetafai (Iosua 22:10, 28).
- ❖ O leni faatinoga sa faamatalaina ai o se soliga o le tulafono e faapea, e faasaina le ofoina atu o ni taulaga i se isi lava nofoaga e ese mai nai lo le fatafaitaulaga e faamu a'i taulaga mu i le Falefetafai (Levitiko 17:8-9).
- ❖ Na filifili le isi vaega o le fanauga a Isaraelu ina ia tafiese le leni agasala e ala i le osofa'ia poo le sii-taua atu i o latou uso (Iosua 22:12). Ae na faauilavea le Atua ina ia puipuia mai ai le toto-masaa i se taua i le va o Ona tagata. Na la faatuina mai ni tagata o e na filifili ia aua nei faamasinoina e aunoa ma le lē i ai uma o ni faamaoniga; ae ia tuuina atu i ai se avanoa e manatu ai e sa'o; ma ua latou filifili e tuuina atu i o latou uso se avanoa e faamatalaina ai i latou lava (Iosua 22:13-14).
- ❖ O le mea na tupu, o lona le logoina lea o latou uso e tusa ma le mea ua ia manatu i ai, na pau lava lea o se mea na sese ai..... ae le o se agasala

C O ni tuua'iga (Iosua 22:13-20)

- ❖ Aisea na filifilia ai Fineaso e taita'ia le komiti su'esu'e? (Iosua 22:13-14). O Fineaso, o le atalii lea o le faitaulaga sili, sa le faavaivai i le taofia o le agasala a Pa'ala-Peoro (Numera 25:7-8). Na avea foi le mea na faia e Fineaso, na aveesea ai le faamai sa oo ia Isaraelu. I lana saunoaga, na ia tuuina atu ai se sootaga o leni agasala i le agasala a Akana, ma sa faatusaina atu foi i ai i le agasala lea na faapea na faia e ituaiga ia e lua ma le afa (Iosua 22:16-20).
- ❖ O le saunoaga a Fineaso sa matuā talafeagai lava. Pe ana fai ae ofoina atu taulaga i le fatafaitaulaga fou na faatuina, o le a faasalaina e le Atua Isaraelu uma ona o lea lava mea (Iosua 22:18b).
- ❖ Peitai, na ia tuuina atu i a'i latou se avanoa e faasa'oina ai leni mea sesē, a'o lei faia e i latou le agasala: na ia ofoina atu foi ia te'i latou le avanoa e toe foi atu ai i le tasi itu o Ioritana o loo i ai le Falefetafai (Iosua 22:19).

D Tali atu i le agalelei (Iosua 22:21-29)

- ❖ O ituaiga o Reupena ma Kato ma le afa o le ituaiga o Manase, ina ua molia, sa latou faatinoina se faaa'oa'oga sili ona lelei atoatoa:
 - Sa latou faalologo ma le fifilemu i ia tuua'iga
 - Sa latou valaau i le Atua o se molimau i a'i latou

- Sa latou talia ia faasalaina pe afai sa agasala i latou
- Na latou faaalua o latou faanaunauta'iga moni
- ❖ A'o le'i malamalama le fanauga a Isaraelu i se mafuaaga mo le fausiaina e o latou uso o lea fatafaitaulaga, sa latou manatu ai: o se fouvale lava lea, o se manaoga mo le tete'a ese, ma o se faasalaga lava lea faale-lagi.
- ❖ O le mea moni lava: o se faanaunauga ina ia tumau pea le lotogatasitasi ma o latou uso ma ia taofia le tete'a ese o se vaega o le fanauga a Isaraelu i le lumanai (Iosua 22:24-26).
- ❖ E ui lava e ono lagona e ituaiga ia ua tuua'ia le lē fiafia i tuua'iga ma tali atu ma le sauā mo so latou puipuiga, ae faafetai i lo latou tali atu ma le filemu i se alofa faaleuso ma ua 'alofia ai ni taua semanu e tutupu mai.

E Faia o se leleiga (Iosua 22:30-34)

- ❖ I le vaai atu i le lē faavaea ma faamaonia o ia tuua'iga, na mapu ai Fineaso ma le aumalaga a Isaraelu (Iosua 22:30-31). Ua toe foi mai o Fineaso ma alii sili i Kanana i le fanauga a Isaraelu, ina ua latou maua le mea moni ona foi ai lea ma se tala lelei, ona latou olioli ai lea ma vivii atu i le Atua (Iosua 22:32-33).
- ❖ E ala i a latou faataitaiga, ua mafai ai ona tatou iloa atu ni laasaga talafeagai e toefuata'ina ai le tulaga tutusa o le filemu ina ia fesootai atu ai i aiga, ekalesia, ma nuu:
 - Fesoota'iga i o tatou mafaufauga, pe a vaaia se mea ua sese ia vave ona i ai se fesoota'iga, aua nei faatali se'ia oo ina oo i se tulaga ua le mafai ona onosa'ia.
 - 'Aua ne'i vave-vave i ni faaiuga, na vave ona talitonu ituaiga sa i le itu i sisifo o Ioritana i ni faamatalaga sese, ma ua latou mafaufau leaga ai e sii-taua i o latou uso
 - Talanoa e uiga i faafitauli a'o lei faatinoina, nofo i latou talatalanoa ma tatalo ao lei faatinoina se mea i le ita
 - Ia ofoina atu nisi mea ma le lotomalie ina ia maua ai le lotogatasi, ia tausolomua ona faatupu le filemu i le va o uso, poo le a lava se tulaga e faia ia maua ai se filemu ma le fealofani o uso
 - Ia tali atu ma le faaaloalo i ni tuua'iga; o le tali filemu e liliueseina ai le ita, ao le upu faatiga e atili ai ona ita. Ia e tatalo i le Atua mo se filemu ae e te lei tautala atu i lou uso
 - Ia olioli ma viia le Atua pe a toe faafoisia le to'afilemu; o le Atua o le Alii ia o le filemu. Na matua faatumuina i le olioli ituaiga i sisifo ina ua latou mautinoa le mafuaaga na ala ai ona fausia e o latou uso i le itu i sasae le fatafaitaulaga. Na latou faailoa atu foi ua latou sese ina ua latou tuua'ina o latou uso, o le auala lea a le Atua e ao foi ona ola ai le fanau faatalitali a le Atua.
 - E le mafai ona tatou maua se malilie ma se filemu pe afai tatou te le mulimulitai i tulafono ma le finagalo o le Atua.